

20 - قلب جديد | اركب معنا بحر رمضان 4441 هـ

محمد حسين يعقوب

يا بني السلام عليكم ورحمة الله وبركاته. اعوذ بالله من الشيطان الرجيم. بسم الله الرحمن الرحيم الحمد لله رب العالمين. والصلاة والسلام على اشرف المرسلين سيدنا محمد وعلى اله وصحبه اجمعين. اما بعد فاختوتي في - [00:00:00](#)

الله والذي فلق الحبة وبرأ النسمة اني احبكم في الله. هنا المدرسة الربانية وهذه دورة الاستعداد لرمضان لعام الف واربعمئة واربع واربعين وآأ اركب معنا في بحر رمضان اريد في البداية قبل ان ادخل في الموضوع - [00:00:28](#)

لنبحر الى الله ان اقول لك واقع احنا عايشينه. عايز اسألك ورجاء رجاء بعد اذن سعادتك جاوبني. من فضلك هل ترى ان دروس التذكير والوعظ بالاستعداد لرمضان صارت مكررة عليك - [00:00:55](#)

هل صار كلام الوعظ والتذكير لا يؤثر في قلبك؟ هل جمدت عينك وجمد قلبه وقسى قلبك اذا انت تحتاج ان تركب معنا اركب معنا تعال فانت تحتاج الى قلب جديد - [00:01:25](#)

سؤال هل اعجبتك المواعظ لكنك تفتقد لحظة البدء والافتحام والانطلاق والاقتراب والارادة انك تحتاج الى قلب جديد اركب معنا هيا اركب معنا. وحين اقول اركب معنا اريد ان انبه. اركب معنا مش معي انا شخصيا. لأ ده انا حاطط لك في - [00:01:51](#)

اللي انت هتركب فيها اركب مع المصاحف اركب مع سيدنا النبي. صلى الله عليه وسلم. اركب مع الكعبة. اركب مع السبحة اهي والعداد اركب مع هؤلاء صحبتك في الرحلة الى الله - [00:02:27](#)

اركب معنا انت تحتاج الى قلب جديد. تعال. هيا بنا سؤال هل تحركت بك الاشواق ثم قعدت بك همتك عن الوصول انت تحتاج الى قلب جديد. خلي بالك انا بكلمك انت - [00:02:48](#)

وانت بالزات انت تحديدا انت محتاج قلب شديد قلبك اتهرى شتت خايف اقول لك مات. انت تحتاج الى قلب جديد اركب معنا اركب معنا انا احبك في الله. عليك حريص - [00:03:12](#)

ولك ناصح امين واني ارجو منك الابحار معنا في سفينة الخير الى الله الى الله تحتاج الى قلب جديد ولكن اريدك ان تعيش الحقيقة وان تفهم الواقع. حين قلنا ان الله جل جلاله قال وما خلقت الجن والانس الا ليعبدون - [00:03:52](#)

قال الله عز وجل ولما ربنا يقول لك قل ربنا يقول لك ايه ؟ قل ها قل ان صلاتي ونسكي ومحياي ومماتي لله رب العالمين. لا شريك له - [00:04:27](#)

لا شريك له لا شريك له. لا شريك له ودايما بقول ان لما بكلم ربنا بخاف وباترعب يعني لما دلوقتي انت قلت ان محياي لله رب العالمين لا شريك له - [00:04:51](#)

ربنا يقول ايه صدق عبدي ولا يقول كذب عبدي هل فعلا حياتك لله ولا انت كذاب عايشها لله عندي عنصر خطير جدا في الدروس دي بعنوان مازا فعلت انت في حياة المسلمين - [00:05:19](#)

عنصر خطير؟ جدا ليه؟ لان هي دي ان في ناس مش عايشة معنا حياتنا عايشين على انت عايشين في هلاوس الواقع الافتراضي مش واقع لذلك تعالى عيش معي الحقيقة ربنا لما قال لنا وما خلقت الجن والانس الا ليعبدون. اعبدي - [00:05:57](#)

لما ربنا قال قل ان صلاتي ونسكي ومحياي ومماتي لله رب العالمين لا شريك له. وبذلك امرت وبذلك امرت انت مأمور انك تجعل حياتك كلها لله. لا شريك له جعل الله عز وجل - [00:06:32](#)

هذا الامر في حياتك اعبد ربك حتى يأتيك اليقين سيدنا النبي لما احنا بنقول دلوقتي صل عليه. بنقول دلوقتي اركب معنا اني مهاجر

الى ربه اني ذاهب الى ربي باقول لك ها باقول لك ان سيدنا النبي قال عبادة في الهرج كهجرة الي - [00:06:53](#)

يبقى العبادة هي هي المرواح للنبي. هي الهجرة الى الله ورسوله. صلى الله عليه واله وصحبه وسلم. لكن دون ذلك احوال وعوائق تحول بين العبد وبين ان يكون هذا زي ما قلت لكم كده شف التلات سنين اللي فاتوا شف السنتين اللي فاتوا والسنة دي - [00:07:18](#)

شف عشرين واحد وعشرين اثنين وعشرين اللي خلصوا دول. وثلاثة وعشرين اللي دخلت النهاردة دي اقف وقفة بقى وتعالى نبص انت عايش لله؟ اكتر حاجة ذبحتني ان في كورونا كانت عندك الرسالة اللي موجودة على التليفون طول الوقت - [00:07:50](#)

ستاي هوم الزم بيتك ولما قالوا الزم بيتك ها انطق. اتكلم لازم الناس بيوتهم سيدنا النبي من الف وربعميت سنة بيقول ليسعك بيتك ليسعك بيتك. ليسعك بيتك. وانت ما سمعتش كلام النبي. فجت لك من فوق - [00:08:20](#)

غصب عن عينك تقعد بقى في البيت والرسول عمال يقول لك اقعد في البيت وانت رافض رافض مبدأ الواحات في البيت لما جا لك الامر من الدنيا لما يقابلك سيدنا النبي في الاخرة بقى. ويقول لك - [00:08:58](#)

بقى انا اقول لك اقعد في البيت ما تقعدش وكورونا يقعدك في البيت وربنا هيحاسبك بقى ان اية كورونا دي لما اقعدك في البيت عملت ايه في البيت؟ قلت لكم الاية - [00:09:24](#)

قال الله عز وجل حتى اذا جاءوا قال اكذبتم باياتي؟ ولم تحيطوا بها علما ام ماذا كنتم تعملون ووقع القول عليهم بما ظلموا فهم قلنا كورونا اية من ايات الله - [00:09:50](#)

اية من ايات الله اية حقيقية كبيرة جدا اية فيها كل سمات الايات. الناس اللي فهموا الاية دي وعرفوها واحاطوا بها علما عرفوا ازاى يكون نقلة الى الله في صدق اللجوء - [00:10:25](#)

واللي ما فهمش الاية وقعد في البيت ربنا لما يسأله فكذبتم باياتي ولم تحيطوا بها علما ام ماذا كنتم؟ كنتم بتعملوا ايه قل لي كنت بتعمل ايه في السنتين دول؟ - [00:10:50](#)

عملت فيك الاية دي ايه عملت ايه هي دي الفتن بقى اللي بتقابلك كل يوم في الحياة تكتفك عن السير الى الله يمنعك من الانطلاق الى الله يحرمك من العبادة واقف في الصلاة وقلبك يجول في اسعار العملات واسعار - [00:11:09](#)

السلع الغذائية واسعار واسعار وناسي ان ربنا جل جلاله هو الذي يقلب الليل والنهار يقلب الليل والنهار جل جلاله سبحانه وتعالى تبارك وتعالى فلذلك تعال السنة دي قبل ما يدخل رمضان - [00:11:39](#)

ندخل نفهم بحر رمضان رمضان ده بحر. بحر. حقيقة بحر هقول لك ازاى ربنا امتن علينا بتسخير البحر قال تعالى الله الذي سخر لكم البحر لتجري الفلك فيه بامرہ ولتبتغوا من فضله - [00:12:07](#)

ولعلكم تشكرون. قل الحمد لله. الحمد لله تجري على على سطح البحر الفلك بالمنافع وتسكن في قعر البحر كنوز اللؤلؤ والمرجان وبين هذا وذاك تسبح خيرات اللحم الطري واضح الفلك تجري - [00:12:34](#)

بامر الله عز وجل على سطح البحر وفي قعر البحر كنوز ولقالق مرجان والسماك بجميع انواعه يسبح لكن هذه الخيرات والكنوز ليست لكل من يدخل البحر بل استطيع ان اقول لا يقصدها - [00:13:09](#)

كل من دخل الى البحر او رأى البحر تفكر معي قليلا قليلا كل شئ في البحر كتير احنا لما نيجي نقول عن حاجة كتير نقول ايه جحش الخير كتير ولكن الخطر ايضا كتير - [00:13:36](#)

ياما ناس ربنا كرمهم بالبحر في واحد عندنا شغال شغلانة حلوة جدا ومرتبته عالي فوجئت ان هو ساب ده وراح قال لي انا بصطاد وبيع السمك اضعاف مكسب اضعاف مرتبي - [00:13:59](#)

يروح يصطاد هي دي ربنا اكرم ناس بالبحر وصلهم لمنافعهم واعطاهم ومنحهم ولكن كم ابتلع البحر من هلكة كم اغرق البحر من اناس هكزا رمضان وكتير قلت لكم رمضان خطر - [00:14:19](#)

خطر فعلا بمعنى ان مش معنى اللي دخل رمضان ولم يغفر له ما تقدم من ذنبه. خير رمضان كتير بقى اهو برضو من صام رمضان ايماننا واحتسابا غفر له ما تقدم من ذنبه. من قام رمضان ايماننا واحتسابا غفر له ما تقدم من ذنبه. من قام ليلة - [00:14:49](#)

القبر ايماننا واحتسابا غفر له ما تقدم من ذنبه. من فطر صائما كان له مثل اجره. الله يصلي على المتسحرين غير كثير جدا اللي دخل رمضان بقى كسب الخير ده. فيه واحد بقى ما كسبش الخير ده - [00:15:13](#)

الخطر مش انه خلاص ما كسبش لأ رغم انك من ادركه شهر رمضان ولم يغفر له من ادرك شهر رمضان ولم يغفر له اكب الله في النار هي ده بحر رمضان - [00:15:31](#)

كم فيه من ناج؟ وكم فيه من خاسر سماء البحر نجوم وسماء رمضان ملائكة تنزلت لسماع القرآن قعر البحر لحم طري. لونه ومرجان. وليالي رمضان عتق وغفران. اللحم الطري في البحر - [00:16:00](#)

يشبه في رمضان العبادات السهلة الجميلة كل الناس صايمين. كل الناس بيقوموا الليل. مساجد مليانة. مصاحف كثير. الخير كثير والاكل كثير والشرب كثير. والصدقات كثير اميز شيه في رمضان دون غيره من الشرور جماعية الطاعة - [00:16:24](#)

تحس ان المعاصي والذنوب والفسق والفجور في رمضان ببقل شوية ببقل شوية الناس كلها الامة كلها بتقوم الليل. امة كلها في المساجد. امة كلها بتفطر في وقت واحد. الامة كلها في السحر صاحبة بتاكل بتسحر - [00:16:47](#)

وتدعي وفي ناس بتدخل المساجد في الفجر بس في رمضان سبحان الملك بحر رمضان خيرات وخطر في نفس الوقت زلك لما تيجي تركب اركب معنا في بحر رمضان خليك حريص انك انت تاخذ الخير - [00:17:09](#)

من على وش الخير يعني ابدأ من دلوقتي لرمضان استعد هي دي انك تاخذ من على الوش من الاول من البداية لكي تنجو اللهم ارزقنا بركة رمضان. واکرمنا بالنجاة في رمضان. وارزقنا خيرات وبركات رمضان - [00:17:38](#)

السلام عليكم ورحمة الله وبركاته. بسم الله الرحمن الرحيم. هنا مدرسة ربانية. كتلة قلوب تحكمها - [00:18:07](#)